

## ¡BOMBA!

Tras consultar una lista  
ya se cuestiona el derecho:  
¿Quién que bloquee el Estrecho  
debe ser el terrorista?



# K'uintsil

Lunes 13 de abril de 2026

CAMPECHE · YUCATÁN · QUINTANA ROO · AÑO 11 · NÚMERO 2701 · [www.lajornadamaya.mx](http://www.lajornadamaya.mx)

## NASAE' ts'o'ok u yichtik tu'ux kun xik'nal tuka'atéen Artemis, tu jo'oloy úuchik u yutsil suut te'el Ujo'

Oochelo'ob mix juntéen yáax ila'ak tu tséelik Uj mixmáak ilik, ts'o'okij. U chi'ibil k'iin jats'utskiinsik Uj, ts'o'okij. Reekord yóok'olal beyka'aj náach k'ucha'an wíinike', ts'o'okij.

Tumen uts úuchik u suut NASA tak te'el Ujo' yóok'olal u meyajil Artemis Ie', yóok'ol kaabe' táak u k'áatik walkila': ba'ax ku taal u k'iin beora, bix u piitmáansa'al le ba'ax ts'o'ok u béeykunsalo'.

"Ti'al u máakilo'ob yóok'ol kaab táan u paakato'ob ka'an yéetel ku náaytiko'ob ya'abach ba'al je'el u béeytale', ts'o'oka'an u yúuchul páa'tajil"; tu ya'alaj le sábado máanika', máax beetik u áadministradoril NASA, Jared Isaacman, úuchik u presentartik u kóomandanteil Artemis II, Reid Wiseman, beyxan jpilotóo Victor Glover, Christina Koch yéetel jcanadail Jeremy Hansen úuchik u jach k'iimbese'al u suuto'ob te'el Yóok'ol Kaaba'.

Walkila', le wíiniko'oba', máaxo'ob jk'uch Uj tu jo'oloy maanal 50 ja'abo'ob yáax

k'uchuk máake', kóojo'ob tuka'atéen Houston yiknal u láak'o'ob. Beey túuno', NASAE' táan u yichtik ba'ax ku taal u k'iinil yéetel Artemis III.

"U jeel meyaj ku taale', ma' náach yaniki", tu ya'alaj Rick Henfling, máax jo'olbesik bueelos de entradaa, tu jo'oloy k'uchuk Pacífico triipulasyoon le viernes máaniko'. Walkila' yaan túun uláak' meyaj ts'o'ok u je'ets'el ti' káalendaaryóo ti'al le ja'ab ku taalo', tu'ux u áastronautailo'ob Artemis III -kex ma' a'alaka máaxo'obe'-yaan u meyajo'ob yóok'ol bix u núupul u kaapsulail Orion yéetel jump'éeel wa ka'ap'éeel moodulos ku jáayal uj ti' u oorbitail tu bak'pachil Yóok'ol Kaab. SpaceX, mola'ay ti'alinta'an tumen Elon Musk, yéetel Blue Origin, ti'al Jeff Bezos, táan u ketikubáajo'ob ti'al u yáax ts'o'oksiko'ob moodulo'ob ku jáayal uj.

AP / P 16  
Oochel NASA

